



25 APR, 2021

Pesawah enggan guna benih lain

Berita Harian Ahad, Malaysia



Page 1 of 2

Pesawah enggan guna benih lain

MR297 terbukti tahan lasak, hasil lebih lumayan berbanding MR217, MR219

Oleh Noorazura Abdul Rahman
bhnews@bh.com.my

Alor Setar: Golongan pesawah di negeri ini enggan menggunakan benih padi varieti lain kecuali MR297 yang sudah terbukti tahan lasak dan mengeluarkan hasil lebih lumayan.

Petani, Harun Ahmad, 61, berkata beberapa benih padi seperti MR217 dan MR219 sudah lama tidak digunakan kerana hasilnya tidak memuaskan, selain batangnya tinggi dan mudah tumbang.

Katanya, bagi benih padi jenis MR263 pula, pokok padi yang tumbuh lebih rendah dan hasilnya kurang berbanding MR297.

“Sudah lebih 30 tahun saya jadi petani, sekiranya dicadangkan guna benih lain yang pernah di-

gunakan petani di sini, ia umpama diberikan anak pokok durian ‘telur buaya’, sedangkan orang sekarang tanam durian Musang King.

“Selain itu, banyak benih padi lain tidak tahan dengan keadaan cuaca. Ketika musim menuai pada Julai atau Ogos nanti, selalunya musim angin kencang, pokok padi akan mudah rebah, jadi rugilah kami,” katanya yang tinggal di Kampung Dulang Kechil, Yan.

Kelmarin, Menteri Pertanian dan Industri Makanan, Datuk Seri Ronald Khande, dilaporkan berkata isu pengagihan benih padi yang dihadapi pesawah ketika ini sedang diselesaikan secara berperingkat dan dijangka berakhir pada hujung Mei nanti.

Katanya, ketika ini fasa pertama penanaman padi sudah bermula dan pengagihan akan dilakukan secara berperingkat, iaitu sehingga 30 April ini dan pertengahan serta sehingga akhir bulan depan dengan fasa pertama selesai tidak lama lagi dan benih yang ada juga mencukupi.

Beliau mengulas laporan *BH* yang mendedahkan lebih 30,000 pesawah di empat kawasan Lembaga Kemajuan Pertanian Muda



(MADA) berhadapan masalah tidak dapat memulakan proses menanam padi mulai 1 April lalu, berikutan belum menerima benih padi sah sehingga kini.

Ia berikutan pengedar tunggal benih padi, iaitu Pertubuhan Peladang Kebangsaan (NAFAS) didakwa gagal membekalkan benih padi sah ke kawasan MADA dan sebahagian besar skim tanaman padi di Semenanjung. Jabatan Pertanian turut mengumumkan sejumlah 26,353 tan benih padi sah disediakan setakat Isnin lalu, bagi kegunaan pesawah di seluruh negara sehingga hujung bulan ini.

Jabatan berkenaan turut menjelaskan kuantiti itu mencukupi bagi keperluan pesawah termasuk pesawah di Kedah dan Perlis. Pegawai Jabatan Pertanian turut

“Ketika musim menuai pada Julai atau Ogos nanti, selalunya musim angin kencang, pokok padi akan mudah rebah, jadi rugilah kami”

Harun Ahmad,
Pesawah



dilaporkan sedang melakukan proses pengesahan benih padi dan jumlah keseluruhan benih yang dijangka diguna bagi musim tanaman 1/2021 adalah melebihi 36,000 tan.

Difahamkan, pada musim ini, berlaku peningkatan permintaan pada benih padi varieti MR297 menyebabkan bekalannya tidak mencukupi. Namun, terdapat varieti lain setanding MR297, iaitu MR219, MR220 CL2, UKMRC-2,

UKMRC-8, MR269, MR303, MR307, MRQ76 dan MR263.

Harun yang juga EXCO PESAWAH, berkata sehingga kini majoriti daripada lebih 300 pesawah di kampung berkenaan masih menunggu benih padi yang diedarkan NAFAS.

“Selepas seminggu, seminggu janji akan edar benih, tak tahu sampai bila nak tunggu. Saya difahamkan hujung bulan ini akan dapat, jika tidak ada juga, saya terpaksa beli daripada rakan lain yang ada lebihan benih padi jenis MR297,” katanya.

Seorang lagi petani, Abdullah Yahya, 62, berkata dia mungkin terpaksa membeli benih padi tanpa subsidi daripada pengedar lain walaupun terpaksa mengeluarkan lebih belanja.

Katanya, dia akan menggunakan benih padi varieti MR220 atau lebih dikenali sebagai padi kebal di Kedah.

“Saya masih sangat berharap benih padi jenis MR297 akan diedarkan segera. Jenis MR220, harganya mencecah lebih RM50 satu beg berbanding MR297, hanya RM35. Jika tak ada juga benih MR297, terpaksa beli sebab sudah berada di hujung waktu menanam.



25 APR, 2021

Pesawah enggan guna benih lain

Berita Harian Ahad, Malaysia



SUMMARIES

MR297 terbukti tahan lasak, hasil lebih lumayan berbanding MR217, MR219

bhnews@bh.com.my Alor Setar: Golongan pesawah di negeri ini enggan menggunakan benih padi varieti lain kecuali MR297 yang sudah terbukti tahan lasak dan mengeluarkan hasil lebih lumayan. Petani, Harun Ahmad, 61, berkata beberapa benih padi seperti MR217 dan MR219 sudah lama tidak digunakan kerana hasilnya tidak memuaskan, selain batangnya tinggi dan mudah tumbang.